

CALENDARIUM

IN USUM DIOECESIS BASILEENSIS

IANUARIUS

- 3 *Commemoratio S. Marii Ep. Lausann. et Conf.* Comm.
21 S. Agnetis Virg. et Mart. III cl.
Commemoratio S. Meinradi Mart.

FEBRUARIUS

- 21 Ss. Germani et Randoaldi Mm. III cl.

MARTIUS

- 6 Ss. Perpetuæ et Felicitatis Mm. III cl.
Commemoratio S. Fridolini Conf.

APRILIS

- 19 S. Leonis IX Papæ et Conf. III cl.

MAIUS

- 9 S. Gregorii Nazianzeni Ep., Conf. et Eccl. Doct. III cl.
Commemoratio S. Beati Conf.
16 S. Ioannis Nepomuceni Mart. III cl.
Commemoratio S. Ubaldi Ep. et Conf.
29 S. Ragnacharii Ep. Basil. et Conf. III cl.
Commemoratio S. Mariæ Magdalena de Pazzis Virg.

IUNIUS

- 27 S. Burchardi Conf. III cl.

IULIUS

- 11 *Commemoratio Ss. Placidi Mart. et Sigisberti Conf.* Comm.
Commemoratio S. Pii I Papæ et Mart.
15 S. HENRICI IMP. ET CONF., PATRONI SECUNDARII DIOEC.
BASIL. II cl.
24 Ss. Ursicini et Wandregisili Conf. III cl.
Commemoratio S. Christinae Virg. et Mart.

AUGUSTUS

- 16 S. IOACHIM, PATRIS B. MARIÆ VIRG., CONF. II cl.
Commemoratio S. Theodori Ep. Sedunen et Conf.
26 *Commemoratio S. Gebhardi Ep. Constantien. et Conf.* Comm.
Commemoratio S. Zephyrini Papæ et Mart.

SEPTEMBER

- 1 S. Verenzæ Virg. III cl.
Commemoratio S. Ægidii Abb.
Commemoratio Ss. duodecim Fratrum Mm.
2 B. Apollinaris a Posat Mart. III cl.
Commemoratio S. Stephani Regis, Conf.
22 Ss. Mauriti et Soc., Mm. III cl.
Commemoratio S. Thomæ de Villanova Ep. et Conf.
25 S. NICOLAI DE FLÛE CONF., PATRONI PRIMARI
HELVETIÆ I cl.
26 IN DEDICATIONE ECCLESIAE CATHEDRALIS
SOLODORI I cl.
30 SS. URSI, VICTORIS ET SOC. MM., PATRONORUM
ECCL. CATHEDR. ET PATRONORUM
PRINCIP. DIOECESIS BASIL. I cl.

OCTOBRIS

- 1 S. Hieronymi Presb., Conf. et Eccl. Doct. III cl.
Commemoratio S. Remigii Ep. et Conf.
2 Ss. Angelorum Custodum III cl.
Commemoratio S. Leodegarii Ep. et Mart.
16 S. Galli Abb. III cl.
Commemoratio S. Hedwigis Vid.

NOVEMBRIS

- 3 S. Idæ Virg. III cl.
4 S. Caroli Ep. et Conf. III cl.
13 S. Himerii Conf. III cl.
Commemoratio S. Didaci Conf.
16 S. Otmari Abb. S. Galli III cl.
Commemoratio S. Gertrudis Virg.
26 S. Conradi Ep. Constant. et Conf. III cl.
Commemoratio S. Silvestri Abb.
Commemoratio S. Petri Alexandr. Ep. et Mart.

DECEMBRIS

- 3 S. Francisci Xaverii Conf. III cl.
Commemoratio S. Lucii Ep. Curiens. et Mart.

IN ECCLESIIS PARTICULARIBUS

- 5 martii Solodori, in eccl. cathedr.: Inventio Reliquiarum Ss. Ursi, Victoris et Soc., Mm. III cl.
26 martii in pago Schaffhusensi: *Commemoratio B. Eberhardi de Nellenburg Conf.* Comm.
22 iulii in pago Thurgov. et Schaffhus.: IN DEDICATIONE PROPRIÆ ECCLESIAE I cl.
5 augusti in pago Tugiensi: S. OSWALDI MART., PATRONI CIVIT. TUGIENSIS I cl.
22 septembris in civitate Lucerna: SS. MAURITII ET SOC., MM., PATRONORUM CIVIT. LUCERNÆ I cl.

- 2 octobris in pago Lucernen.: S. LEODEGarii EP. ET MART., PATRONI CIVIT. LUCERNEN. I cl.
5 octobris ibidem: Ss. Angelorum Custodum (e die 2 huius) III cl.
10 octobris in pago Lucernen.: IN DEDICATIONE ECCLESIAE PROPRIÆ I cl.
15 octobris in pago Argoviensi: IN DEDICATIONE ECCLESIAE PROPRIÆ I cl.
12 novembris in pagis Basil., Bern., et Solodor.: IN DEDICATIONE ECCLESIAE PROPRIÆ. I cl.

MISSÆ FESTORUM PROPRIORUM DIECESIS BASILEENSIS

Die 3 decembris

S. LUCII

Episcopi Curiensis et Martyris
Commemoratio

Oratio P

Deus, qui beátum Lúcium Mártyrem tuum atque Pontíficem de terréno regno ad cæléstis regni glóriam transtulísti: eius, quæsumus, méritis et intercessióne, Regis regum, Iesu Christi, Fílii tui, fácias nos esse consórtes: Qui tecum vivit et regnat.

Secreta P

Præsta, quæsumus, omnipotens Deus: ut, sicut beátus Lúcius Martyr ac Póntifex tuus, spretis mundi oblectaméntis, soli Regi Christo placére stúduit, ita eius orátio nos tibi reddat accéptos. Per eúndem Dóminum.

Postcommunio P

Deus, qui beátum Mártyrem ac Pontíficem tuum Lúcium mirificásti in terris et gloriósum in cælis fecísti: eúndem, quæsumus, Ecclésiæ tuæ constitue defensórem. Per Dóminum.

¶ In Missis votivis dicitur Missa Stá-tuit, de Comuni unius Martyris 1 loco.

Die 3 ianuarii

S. MARI

Episcopi Lausannensis
et Confessoris
Commemoratio

Oratio P

Deus, qui pópulis tuis indulgéntia cónsulis et amóre domináris, quique illis regéndis vicários caritátis tuæ ministros præfícis: da, quæsumus, intercedénte beáto Mário Confessóre tuo atque Pontífice, spíritum sapiéntiæ, quibus dedísti præesse Ecclésiæ tuæ; ut de proféctu sanctárum óvium fiant gáudia æténa pastórum. Per Dóminum.

Secreta C

Sancti Márii Confessoris tui atque Pontíficis, quæsumus, Dómine, ánnua solémnitas pietáti tuæ nos reddat accéptos: ut, per hæc piæ placatiónis officia, et illum beáta retribúto comitétur, et nobis grátia tuæ dona concíliet. Per Dñum.

Postcommunio C

Deus, fidélium remunerátor animárum: præsta; ut beáti Márii Confessoris tui atque Pontíficis, cuius venerándam celebrámus festivitátem, précibus indulgéntiam consequámur. Per Dóminum.

¶ In Missis votivis Missa Sacerdótes de Comuni Conf. Pontíficis 2 loco.

Die 21 ianuarii

S. MEINRADI

Martyris

Commemoratio

Oratio C

Præsta, quæsumus, omnipotens Deus: ut, qui beāti Meinrādi Mārtyris tui natalicia cōlimus, intercessiōne eius, in tui nōminis amōre roborémur. Per Dōminum.

Secreta C

Muneribus nostris, quæsumus, Dōmine, precibusque suscep-
tis: et cælestibus nos munda mys-
tēriis, et clemēter exāudi. Per
Dōminum.

Postcommunio C

Da, quæsumus, Dōmine, Deus
noster: ut, sicut tuōrum com-
memoratiōne Sanctōrum, temporāli
gratulāmur officio; ita perpétuo læ-
témur aspēctu. Per Dōminum.

¶ In Missis votivis dicitur Missa In
virtūte, de Communi unius Martyris
3 loco, cum Evāgelio Si quis vult
e Missa Sacerdōtes, 2 loco.

Die 21 februarii

SS. GERMANI ET RANDOALDI

Martyrum

III classis

Missa Intret, de Communi plurimorum
Martyrum 1 loco, præter orationem
sequentem.

Oratio P

Deus, pro cuius amōre sancti
Mārtyres Germānus et Ran-
doāldus occubuērunt: præsta, quæ-

sumus; ut omnes, qui eōrum
implōrant auxiliū, petitiōnis suæ
salutārem consequāntur effēctum.
Per Dōminum.

Secreta C

Adēsto, Dōmine, supplicatiōni-
bus nostris, quas in Sanctōrum
tuōrum commemoratiōne defēri-
mus: ut, qui nostræ iustitiæ fidū-
ciam non habēmus, eōrum, qui tibi
placuērunt, mēritis adiuuēmur. Per
Dōminum.

Postcommunio C

Quæsumus, Dōmine, salutāribus
replēti mystēriis: ut, quorum
solēnnia celebrāmus, eōrum ora-
tiōnibus adiuuēmur. Per Dōminum.

Die 5 martii

Solodori in ecclesia cathedrali

INVENTIO RELIQUIARUM
SS. URSI, VICTORIS
ET SOCIORUM

Martyrum

III classis

Antiphona ad Introitum

Gaudeāmus omnes in Dō-
mino, diem festum cele-
brāntes sub honōre sanc-
tōrum Mārtyrum, de quo-
rum solemnitate gaudent Angeli
et collaudant Fīlium Dei. Ps. 32, 1
Exsultate, iusti, in Dōmino: rectos
deceat collaudatio. V. Glória Patri.

Oratio

Deus, Sanctōrum tuōrum splen-
dor mirābilis, qui hodierna die
beatōrum mīlitum et Mārtyrum
tuōrum Ursi et Victōris Socio-

rúmque eórum sacras Relíquias revelásti glorioséque decorásti: da nobis eórum intercessióne; ut a mundi perículis eruámur, et vitam cónsequi mereámur ætérnam. Per Dóminum.

Léctio Epístolæ beáti Pauli Apóstoli ad Hebræos. Hebr. 11, 33-39

Fratres: Sancti per fidem vicérunt regna, operáti sunt iustítiam, adépti sunt repromissiónes, obturáverunt ora leónum, exstinxérunt ímpetum ignis, effugérunt áciem gládii, convaluérunt de infirmitáte, fortes facti sunt in bello, castra vertérunt exterórum: accepérunt mulieres de resurrectione mórtuos suos: álii autem disténti sunt, non suscipiéntes redemptionem, ut meliorem invenírent resurrectionem: álii vero ludíbria et vérbera expéti, ínsuper et víncula et cárceres: lapidáti sunt, secti sunt, tentáti sunt, in occisióne gládii mórtui sunt: circuíerunt in melótis, in péllibus caprínis, egéntes, angustiáti, afflícti: quibus dignus non erat mundus: in solitudínibus errántes, in móntibus et spelúncis et in cavérnis terræ. Et hi omnes testimónio fidei probáti, invénti sunt in Christo Iesu, Dómino nostro.

Graduale Exod. 15, 11
Gloriósus Deus in Sanctis suis: mirábilis in maiestáte, fáciens prodígia.
V. Ibid., 6 Déxtera tua, Dómine, glorificáta est in virtúte: déxtera manus tua confrégit inimícos.

Tractus Ps. 125, 5-6
Qui sémant in lácrimis, in gáudio metent. V. Eúntes ibant et flebant, mitténtes sémina sua. V. Veniéntes autem vénient cum exsultatióne, portántes manípulos suos.

† Sequéntia sancti Evangélii secúndum Lucam. Luc. 21, 9-19

In illo tēpore: Dixit Iesus discí-pulis suis: Cum audiéritis próelia et seditiões, nolíte terréri: opórtet primum hæc fieri, sed nondum statim finis. Tunc dicébat illis: Surget gens contra gentem, et regnum advérsus regnum. Et terrémótus magni erunt per loca, et pestilentíæ, et fames, terrorésque de cælo, et signa magna erunt. Sed ante hæc ómnia iníciant vobis manus suas, et persecúentur tradéntes in synagógas et custódias, trahéntes ad reges et præsides propter nomen meum: contínget autem vobis in testimónium. Pónite ergo in córdibus vestris non præmeditári, quemádmmodum respondeátis. Ego enim dabo vobis os et sapiéntiam, cui non póterunt resístere et contradícere omnes adversárii vestri. Tradémini autem a paréntibus, et frátribus, et cognátis, et amícis, et morte affíciant ex vobis: et éritis ódio ómnibus propter nomen meum: et capíllus de cápite vestro non períbit. In paciéntia vestra possidébitis ánimas vestras.

Antiphona ad Offertorium

Ps. 31, 11

Lætámini in Dómino et exsultáte, iusti: et gloriámini, omnes recti corde.

Secreta

Oblatiões nostras, clementís-sime Deus, quas in celebritáte sanctórum Mártyrum tuórum Ursi et Victóris Sociorúmque eórum suppliciter deférimus, inténde precátus: ut per eórum mérita efficiátur nobis salus mentis et córporis. Per Dóminum.

Antiphona ad Communionem

Sap. 3, 1, 2 et 3

Iustórum ánimæ in manu Dei sunt,
et non tanget illos torméntum ma-
litiæ: visi sunt óculis insipiéntium
mori: illi autem sunt in pace.

Postcommunio

Quos divíni múnemis largitáte
satiásti, Dómine, Deus noster,
intuére propítius: ut qui sanctórum
Mártyrum tuórum Ursi et Victóris
ac Sociórum mérita recólimus,
eórum quoque patrocíniis adiuvé-
mur. Per Dóminum.

Die 6 martii

S. FRIDOLINI

Confessoris

Commemoratio

Oratio

P

Beáti Confessóris et Sacerdótis
tui Fridolíni, quæsumus, Dó-
mine, supplicatióne placátus: et
véniam peccatórum nobis tríbue, et
remédia sempitérna concéde. Per
Dóminum.

Secreta

P

Sacrificium, Dómine, quod desi-
deránte offerimus, gratum tibi
beáti Fridolíni Confessóris tui
preces efficiant. Per Dóminum.

Postcommunio

P

Quæsumus, omnípotens Deus:
ut beáti Fridolíni Confessóris
tui sancta precátio et a terrénis nos
afféctibus indesinéte expédiat, et
cælestia desideráre perficiat. Per
Dóminum.

¶ In Missis votivis Missa Os iusti, de
Communi Confessoris non Pontificis
1 loco, præter orationes præcedentes.

Die 26 martii

in pago Schaffhusensi

B. EBERHARDI
DE NELLENBURG

Confessoris

Commemoratio

Oratio

P

Deus, qui beátum Eberhárdum
Cómitem cælesti regno terré-
num postpónere docuísti: da nobis,
quæsumus; eius intercessióne et
exémpló terréna despícere atque
æténa sectári. Per Dóminum.

Secreta

C

Præsta nobis, quæsumus, omní-
potens Deus: ut nostræ humili-
tátis oblátio, et pro tuórum tibi
grata sit honóre Sanctórum, et nos
córpoze páriter et mente puríficet.
Per Dóminum.

Postcommunio

C

Quæsumus, omnípotens Deus:
ut, qui cælestia aliménta percé-
pimus, intercedéte beáto Eberhárdó
Confessóre tuo, per hæc contra
ómnia advérsa muniámur. Per Dó-
minum nostrum Iesum Christum
Fílium tuum: qui tecum vivit et
regnat in unitáte Spíritus Sancti,
Deus: per ómnia sæcula sæculó-
rum.

Die 19 aprilis

S. LEONIS IX

Papæ et Confessoris

III classis

Missa Si díligis, de Communi Summo-
rum Pontificum præter orationem se-
quentem.

Oratio P

Adésto supplicatióibus Ecclésiæ tuæ, omnípotens Deus: ut intercedente beáto Leóné Confessóre tuo atque Pontífice, cælestibus semper amplificétur augméntis, et temporálibus ubíque protegátur auxiliis. Per Dóminum.

Secreta C 1

Oblátis munéribus, quæsumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio C 1

Refectiône sancta enutrítam gubernána, quæsumus, Dómine, tuam placátus Ecclésiám: ut, poténti moderatióne dirécta, et incrementa libertátis accípiat et in religiónis integritáte persístat. Per Dóminum.

Die 9 maii

S. BEATI Confessoris

Commemoratio

Oratio C

Deus, qui nos sancti Beáti Confessoris tui ánnua solemnitate lætíficas: concéde propítius; ut cuius natalícia cólimus, étiam actiões imitémur. Per Dóminum.

Secreta C

Laudis tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confídimus et futúris. Per Dñm.

Postcommunio C

Refécti cibo potúque cælesti, Deus noster, te súpplices exorámus: ut, in cuius hæc commemoratióne percépimus, eius muniámur et précibus. Per Dóminum.

¶ In Missis votivis Missa Os iusti, de Communi Conf. non Pont. 1 loco.

Die 16 maii

S. IOANNIS NEPOMUCENI

Martyris

III classis

Antiphona ad Introitum

Eccli. 51, 30

Dedit mihi Dóminus linguam mercédem meam: et in ipsa laudábo eum. (T. P. Allelúia, allelúia.) Ps. 38, 2 Dixi: Custódiám vias meas, ut non delínquam in lingua mea. V. Glória Patri.

Oratio

Deus, qui ob invíctum beáti Ioánnis sacramentále siléntium nova Ecclésiám tuam martýrii coróná decorásti: da; ut, eius exémpló et intercessiόne, ori nostro custódiám ponéntes, beátis, qui lingua non sunt lapsi, annumerémur. Per Dóminum.

Et fit commemoratio S. Ubaldi Episcopi et Confessoris.

Oratio

Auxílium tuum nobis, Dómine, quæsumus, placátus impénde: et, intercessiόne beáti Ubaldi Confessoris tui atque Pontíficis, contra omnes diabóli nequítias déxteram super nos tuæ propitiatiónis exténde. Per Dóminum.

Lectio libri Sapiéntiæ.

Eccli. 21, 26-31

Stultus a fenestra respiciet in domum: vir autem eruditus foris stabit. Stultitia hominis auscultare per ostium: et prudens gravabitur contumelia. Labia imprudentium stulta narrabunt: verba autem prudentium statera ponderabuntur. In ore fatuorum cor illorum: et in corde sapientium os illorum. Dum maledicit impius diabolum, maledicit ipse animam suam. Susurro coinquinabit animam suam, et in omnibus odietur: et, qui cum eo manserit, odiosus erit: tacitus et sensatus honorabitur.

Tempore paschali:

Allelúia, allelúia. *Ÿ*. Eccli. 25, 11
Beátus, qui lingua sua non est lapsus, et qui non servivit indignis se. Allelúia. *Ÿ*. Prov. 10, 31
Lingua pravorum peribit: lingua autem sapientium est sanitas. Allelúia.

Extra tempus paschale:

Graduale Prov. 11, 13

Qui ambulat fraudulenter, revelat arcana: qui autem fidelis est animi, celat. *Ÿ*. Ps. 14, 1 et 3
Dómine, quis habitabit in tabernaculo tuo, aut quis requiescet in monte sancto tuo? Qui non egit dolum in lingua sua: nec fecit proximo suo malum.

Allelúia, allelúia. *Ÿ*. Eccli. 25, 11
Beátus, qui lingua sua non est lapsus, et qui non servivit indignis se. Allelúia.

In Missis votivis post Septuagesimam, omissis Allelúia et versu sequenti, dicitur:

Tractus Iac. 1, 26; 3, 2 et 7-8

Si quis putat se religiosum esse, non refrénans linguam suam,

sed seducens cor suum, huius vana est religio. *Ÿ*. Si quis in verbo non offendit, hic perfectus est vir. *Ÿ*. Omnis enim natura bestiarum domantur, et domita sunt a natura humana: linguam autem nullus hominum domare potest.

† Sequéntia sancti Evangélii
secúndum Matthæum.

Matth. 11, 2-10

In illo tempore: Cum audisset Ioáannes in vinculis ópera Christi, mittens duos de discipulis suis, ait illi: Tu es, qui venturus es, an alium expectamus? Et respondens Iesus, ait illis: Eúntes renuntiáte Ioánni, quæ audistis et vidistis. Cæci vident, claudi ambulat, leprosi mundantur, surdi audiunt, mórtui resurgunt, páuperes evangelizantur: et beátus est, qui non fuerit scandalizatus in me. Illis autem abeúntibus, cœpit Iesus dicere ad turbas de Ioáanne: Quid existis in desértum vidére? arúndinem vento agitátam? Sed quid existis vidére? hóminem móllibus vestítum? Ecce, qui móllibus vestiúntur, in dómibus regum sunt. Sed quid existis vidére? Prophétam? Etiam dico vobis et plus quam prophétam. Hic est enim, de quo scriptum est: Ecce, ego mitto Angelum meum ante faciém tuam, qui præparábit viam tuam ante te.

Antiphona ad Offertorium

Eccli. 42, 1

Non dúplices sermónem de revelatióne absconditi, et eris vere sine sermónis confusióne: et invénies grátiam in conspéctu ómnium hóminum. (T. P. Allelúia.)

Secreta

Hæc tua, Dómine, sacra mystéria illum in nobis, quæsumus, ignem accendant: quo ínclytus Martyr et Sacérdos tuus Ioánnes, ea peragéndo, flagrâbat. Per Dñum.

Pro S. Ubaldo Secreta
Sancti tui, quæsumus, Dómine, nos ubique lætíficent: ut, dum eórum mérita recólimus, patrocinia sentiámus. Per Dóminum.

Antiphona ad Communionem
Isai. 6, 6-7

Volávit ad me unus de Séraphim: et in manu eius cálculus, quem túlerat de altári, et tétigit os meum. (T. P. Allelúia.)

Postcommunio

Fragilitátem nostram, Dómine, cælestis hæc mensa fórtium pane confírmet: qui beáti Mártyris et Sacerdótis tui Ioánnis tentátam contra honórem sacraménti constantiam, iúgiter áluit ad victóriam. Per Dóminum.

Pro S. Ubaldo Postcommunio
Præsta, quæsumus, omnípotens Deus: ut, de percéptis munéribus grátias exhibéntes, intercedénte beáto Ubáldo Confessóre tuo atque Pontífice, benefícia potióra sumámus. Per Dóminum.

Die 29 maii

S. RAGNACHARII
Episcopi Basileensis
et Confessoris

III classis

Missæ Sacerdótes, de Comuni Confessoris Pontificis 2 loco, præter orationem sequentem.

Oratio

P

Deus, qui in corde beáti Ragnachárii Confessoris tui atque Pontificis, ignem tui amoris accendere dignátus es: da, ut eódem caritátis ardóre ab omni labe peccáti mundémur. Per Dóminum.

Et fit commemoratio S. Mariæ Magdalenæ de Pazzis Virginis.

Oratio

Deus, virginitátis amátor, qui beátam Mariám Magdalénam Virginem, tuo amore succénsam, cælestibus donis decorásti: da; ut, quam festíva celebritáte venerámur, puritáte et caritáte imitémur. Per Dóminum.

Secreta

C

Sancti Ragnachárii Confessoris tui atque Pontificis, quæsumus, Dómine, ánnua solémnitas pietáti tuæ nos reddat accéptos: ut, per hæc piæ placatiónis officia, et illum beáta retribútio comitétur, et nobis grátia tuæ dona concíliet. Per Dóminum.

Pro S. Maria Magdalena

Secreta

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepisse cognóscit auxiliúm. Per Dóminum.

Postcommunio

C

Deus fidélium remunerátor animárum: præsta; ut beáti Ragnachárii Confessoris tui atque Pontificis, cuius venerándam celebrámus festivitátem, précibus indulgéntiam consequámur. Per Dóminum.

Pro S. Maria Magdalena

Postcommunio

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

Die 27 iunii

S. BURCHARDI

Confessoris

III classis

Missa Os iusti, de Communi Confessoris non Pontificis 1 loco.

Die 11 iulii

Ss. PLACIDI Martyris

ET SIGISBERTI Confessoris

Commemoratio

Missa Sapiéntiam, de Communi plurimorum Martyrum 2 loco, præter orationes sequentes.

Oratio P

Fac nos, quæsumus, Dómine, sanctórum tuórum Plácidi et Sigisbérti semper festa sectári: quorum suffrágiis protectiónis tuæ dona sentiámus. Per Dóminum.

Et fit commemoratio S. Pii I Papæ et Martyris.

Oratio

Gregem tuum, Pastor ætérne, placátus inténde: et per beátum Pium Mártirem tuum atque Summum Pontíficem perpétua pietáte custódi, quem totíus Ecclésiæ præstitisti esse pastórem. Per Dóminum.

Secreta C

Múnera tibi, Dómine, nostræ devotiónis offérimus: quæ et pro tuórum tibi grata sint honóre iustórum, et nobis salutária, te miseránte, reddántur. Per Dóminum.

Pro S. Pio Secreta

Oblátis munéribus, quæsumus, Dómine, Ecclésiám tuam benignus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio P

Præsta nobis, quæsumus, Dómine: intercedéntibus sanctis tuis Plácido et Sigisbérti; ut, quod ore contíngimus, pura mente capiámus. Per Dóminum.

Pro S. Pio Postcommunio

Refectióne sancta enutrítam guberná, quæsumus, Dómine, tuam placátus Ecclésiám: ut, poténti moderatíone dirécta, et incrementa libertátis accípiat et in religiónis integritáte persístat. Per Dóminum.

Die 15 iulii

S. HENRICI

Imperatoris, Confessoris, Patroni secundarii diócesis Basileensis

II classis

Antiphona ad Introitum

Ps. 36, 30-31

Os iusti meditábitur sapiéntiam, et lingua eius loquétur iudícium: lex Dei eius in corde ipsíus. Ps. ibid. 1
Noli æmulári in malignántibus: neque zeláveris faciéntes iniquitátem. V. Glória Patri.

Oratio

Deus, qui hodierna die beatum Henricum Confessorem tuum e terreni cúlmine impérii ad regnum ætérnum transtulisti: te súplices exorámus; ut, sicut illum, grátia tuæ ubertáte præventum, illécebras sæculi superáre fecisti, ita nos fácias, eius imitatióne, mundi huius blandiménta vitáre, et ad te puris méntibus pervenire. Per Dóminum.

Léctio libri Sapiéntiæ. Eccli. 45, 1-6

Diléctus Deo et homínibus, cuius memória in benedictióne est. Símilem illum fecit in glória sanctorum, et magnificávit eum in timóre inimicórum, et in verbis suis monstra placávit. Glorificávit illum in conspéctu regum, et iussit illi coram pópulo suo, et osténdit illi glóriam suam. In fide et lenitáte ipsíus sanctum fecit illum, et elégit eum ex omni carne. Audívit enim eum et vocem ipsíus, et indúxit illum in nubem. Et dedit illi coram præcépta, et legem vitæ et disciplínæ.

Graduale Ps. 91, 13 et 14

Iustus ut palma florébit: sicut cedrus Líbani multiplicábitur in domo Dómini. *Ÿ.* Ibid. 3 Ad annuntiándum mane misericórdiam tuam, et veritátem tuam per noctem.

Allelúia, allelúia. *Ÿ.* Iac. 1, 12 Beátus vir, qui suffert tentatióne: quóniam, cum probátus fúerit, accípiet corónam vitæ. Allelúia.

† Sequéntia sancti Evangélii secúndum Lucam. Luc. 19, 12-26

In illo témpore: Dixit Iesus discipulis suis parábolam hanc: Homo quidam nóbilis ábiit in regiónem

longínquam accíperere sibi regnum, et revérte. Vocáti autem decem servis suis, dedit eis decem mnas, et ait ad illos: Negotiámini, dum vénio. Cives autem eius óderant eum: et misérunt legatióne post illum, dicétes: Nólumus hunc regnáre super nos. Et factum est, ut redíret accépto regno: et iussit vocári servos, quibus dedit pecúniam, ut sciret, quantum quisque negotiátus esset. Venit autem primus, dicens: Dómine, mna tua decem mnas acquisívit. Et ait illi: Euge, bone serve, quia in módico fuísti fidélis, eris potestátem habens super decem civitátes. Et alter venit, dicens: Dómine, mna tua fecit quinque mnas. Et huic ait: Et tu esto super quinque civitátes. Et alter venit, dicens: Dómine, ecce mna tua, quam hábui repósitam in sudário: tímui enim te, quia homo austérus es: tollis, quod non posuísti, et metis, quod non seminásti. Dicit ei: De ore tuo te iú dico, serve nequam. Sciébas, quod ego homo austérus sum, tollens, quod non pósui, et metens, quod non seminávi: et quare non dedísti pecúniam meam ad mensam, ut ego véniens cum usúris útique exegíssem illam? Et astántibus dixit: Auférte ab illo mnam et date illi, qui decem mnas habet. Et dixerunt ei: Dómine, habet decem mnas. Dico autem vobis: Quia omni habéti dábitur, et abundábit: ab eo autem, qui non habet, et, quod habet, auferétur ab eo.

Antiphona ad Offertorium

Ps. 88, 25

Véritas mea et misericórdia mea cum ipso: et in nómine meo exaltábitur cornu eius.

Secreta

Súscipe, Dómine, múnera propí-
stius obláta, quæ Maiestáti tuæ
beáti Henríci Imperatóris et Confes-
sóris tui comméndet orátio vene-
ránda. Per Dóminum.

Antiphona ad Communionem

Matth. 24. 46-47

Beátus servus, quem, cum vénerit
dóminus, invénerit vigilántem:
amen, dico vobis, super ómnia bona
sua constituet eum.

Postcommunio

Puríficent nos, Dómine, sacra-
ménta, quæ sumpsimus: et,
intercedénte beáto Henríco Impera-
tóre et Confessóre tuo, a cunctis
efficiant vítiis absolútos. Per Dó-
minum.

Die 24 iulii

Ss. URSICINI

ET WANDREGISILI

Confessorum

III classis

Missa Confiteántur, de Comuni plu-
rium Confessorum non Pontificum
(inter Missas pro aliquibus locis),
præter ea quæ hic habentur propria.

Oratio

P

Deus, qui beátos Ursicínium et
Wandregisílum Confessóres
tuos in mundi contéptu mirábiles
effecísti: præsta, quæsumus; ut
intercessiónis eórum auxilió fidéles
tui terréna despícient et ad cæléstia
semper aspírent. Per Dóminum.

Et fit commemoratio S. Christinæ
Virginis et Martyris.

Oratio

Indulgéntiam nobis, quæsumus,
Dómine, beáta Christína Virgo et
Martyr implóret: quæ tibi grata
semper éxstitit, et mérito casti-
tátis, et tuæ professióne virtútis.
Per Dóminum.

Secreta

C 1

Hóstias ad altáre tuum offerén-
tibus, Dómine, da nobis illum
pietátis afféctum, quem beátis Ursa-
cino et Wandregisílo Confessóribus
tuis infudísti: ut pura mente et
févido corde rei sacrae attendámus,
et sacrificium tibi plácitum nobisque
proficuum immolémus. Per Dó-
minum.

Pro S. Christina

Secreta

Hóstias tibi, Dómine, beátæ
Christinæ Virginis et Mártiris
tuæ dicátas méritis, benígnus
assúme: et ad perpétuum nobis
tribue proveníre subsídium. Per
Dóminum.

Postcommunio

C 1

Tribuat nobis, omnípotens Deus,
suffragántibus beatórum Ursa-
cini et Wandregisíli Confessórum
tuórum précibus, reféctio sacra
subsídium: ut et castitátis mundi-
tiam observémus in córpore, et
lumen veritátis exhibeámus in
ópere. Per Dóminum.

Pro S. Christina Postcommunio

Divíni múnere largitáte satiáti,
quæsumus, Dómine, Deus noster:
ut, intercedénte beáta Christína
Virgine et Mártire tua, in eius
semper participatióne vivámus.
Per Dóminum.

Die 16 augusti

S. THEODORI (S. Theoduli)

Episcopi Sedunensis et Confessoris

Commemoratio

Oratio C

Da, quæsumus, omnipotens Deus: ut beati Theodori Confessoris tui atque Pontificis veneranda sollemnitas, et devotiónem nobis áugeat et salutem. Per Dóminum.

Secreta C

Sancti tui, quæsumus, Dómine, nos ubique lætificent: ut, dum eórum mérita recólimus, patrocínia sentiámus. Per Dóminum.

Postcommunio C

Præsta, quæsumus, omnipotens Deus: ut, de percéptis munéribus grátias exhibéntes, intercedente beato Theodoro Confessore tuo atque Pontífice, benefícia potióra sumámus. Per Dóminum.

¶ In Missis votivis Missa Státuit, de Communi Confessoris Pontificis 1 loco.

Die 26 augusti

S. GEBHARDI

Episcopi Constantiensis
et Confessoris

Commemoratio

Missa Sacerdótes, de Communi Confessoris Pontificis 2 loco.

Et fit commemoratio Zephyrini Papæ et Martyris.

Die 1 septembris

S. VERENÆ

Virginis

III classis

Missa Vultum tuum de Communi Virginum 4 loco, præter orationem sequentem.

Oratio P

Deus, qui beátam Verénam in contemplánda Mártyrum passióne divíni amóris igne flagráre fecisti: quæsumus, ut, ipsa intercedente, in nobis flammam caritátis accéndas. Per Dóminum.

Et fit commemoratio S. Ægidii Abbatis.

Oratio

Intercéssio nos, quæsumus, Dómine, beati Ægidii Abbátis commendet: ut, quod nostris méritis non valémus, eius patrocínio assequámur. (Per Dóminum.)

Deinde commemoratio Ss. duodecim Fratrum Martyrum.

Oratio

Fratérna nos, Dómine, Mártyrum tuórum coróna lætíficet: quæ et fidei nostræ præbeat incrementa virtútum, et múltiplici nos suffrágio consolétur. Per Dóminum.

Secreta C

Accépta tibi sit, Dómine, sacrátæ plebis oblátio, pro tuórum honóre Sanctórum: quorum se méritis de tribulatióne percepisse cognóscit auxiliúm. Per Dóminum.

Pro S. Ægidio Secreta

Sacris altáribus, Dómine, hóstias superpósitas sanctus Ægídus Abbas, quæsumus, in salutem nobis proveníre depóscat. (Per Dóminum.)

Pro Ss. Martyribus Secreta
Mystéria tua, Dómine, pro sanc-
tórum Mártyrum tuórum commemo-
ratione devóta mente tracté-
mus: quibus nobis et præsidium
crescat, et gáudium. Per Dó-
minum.

Postcommunio C
Satiásti, Dómine, famíliam tuam
muneribus sacris: eius, quæsu-
mus, semper interventióne nos
réfove, cuius solémnia celebrámus.
Per Dóminum.

Pro S. Ægidio Postcommunio
Prótegat nos, Dómine, cum tui
perceptióne sacraménti beátus
Ægídius Abbas, pro nobis inter-
cedéndo: ut et conversatiónis
eius experiámur insígnia, et
intercessiόνis percipiámus suf-
frágia. (Per Dóminum.)

Pro Ss. Martyribus
Postcommunio
Præsta, quæsumus, omnipotens
Deus: ut, quorum memóriam
sacraménti participatióne recó-
limus, fidem quoque proficiéndo
sectémur. Per Dóminum.

Die 2 septembris

BEATI APOLLINARIS A POSAT

Martyris

III classis

Antiphona ad Introitum

Ps. 63, 11

Lætábitur iustus in Dómino,
et sperábit in eo: et lauda-
búntur omnes recti corde.
Ps. ibid., 2 Exáudi, Deus,
oratióne meam, cum déprecor: a
timóre inimíci éripe ánimam meam.
V. Glória Patri.

Oratio

Ecclésiám tuam, quæsumus, Dó-
mine, fac nos semper filiáli
pietáte diligere: cuius in iúribus
propugnándis beátus Apollináris,
spíritu fortitúdinis roborátus, ad
mortem usque certávit. Per Dó-
minum.

Et fit commemoratio S. Stephani
Regis, Confessoris.

Oratio

Concéde, quæsumus, Ecclésiæ
tuæ, omnipotens Deus: ut beátum
Stéphanum Confessórem tuum,
quem regnántem in terris propa-
gatórem hábuit, propugnatórem
habére mereátur gloriósum in
cælis. Per Dóminum.

Léctio Epístolæ beáti Pauli
Apóstoli ad Timótheum.

2 Tim. 2, 8-10; 3, 10-12

Caríssime: Memor esto, Dómi-
num Iesum Christum resur-
rexisse a mórtuis ex sémine David,
secúndum Evangélium meum, in
quo labóro usque ad víncula, quasi
male óperans: sed verbum Dei non
est alligátum. Ideo ómnia sustíneo
propter eléctos, ut et ipsi salútem
consequántur, quæ est in Christo
Iesu, cum glória cælésti. Tu autem
assecútus es meam doctrínam,
institutióne, propósitum, fidem,
longanimitátem, dilectiόνem, pa-
tiéntiam, persecutiónes, passiónes:
quália mihi facta sunt Antiochiæ,
Icónii et Lystris: quales persecu-
tiónes sustínui, et ex ómnibus erípuit
me Dóminus. Et omnes, qui pie
volunt vívere in Christo Iesu, perse-
cutiόνem patiéntur.

Graduale

Ps. 36, 24

Iustus cum ceciderit, non collidétur:
quia Dóminus suppónit manum

suam. *V̄.* Ibid., 26 Tota die miseretur, et commodat: et semen eius in benedictione erit.

Allelúia, allelúia. *V̄.* Ioann. 8, 12 Qui sequitur me, non ambulat in tenebris, sed habebit lumen vitæ æternæ. Allelúia.

† Sequéntia sancti Evangélii
secúndum Matthæum.
Matth. 10, 26-32

In illo témpore: Dixit Iesus discipulis suis: Nihil est opértum, quod non revelábitur; et occúltum, quod non sciétur. Quod dico vobis in tenebris, dícite in lúmine: et quod in aure audítis, prædicáte super tecta. Et nolíte timére eos, qui occídunt corpus, ánimam autem non possunt occídere; sed pótius timéte eum, qui potest et ánimam et corpus pérdere in gehénnam. Nonne duo pásseres asse véneunt: et unus ex illis non cadet super terram sine Patre vestro? Vestri autem capílli cápitis omnes numeráti sunt. Nolíte ergo timére: multis passéribus meliôres estis vos. Omnis ergo, qui confitébitur me coram homínibus, confitébor et ego eum coram Patre meo, qui in cælis est.

Antiphona ad Offertorium
Ps. 20, 4-5

Posuísti, Dómine, in cápite eius corónam de lápide pretiôso: vitam pétiit a te, et tribuísti ei, allelúia.

Secreta

In hostes tuos, Dómine Deus, fortitúdinem nobis cónferat hæc mensa cælestis: quæ beátum Apol-

linárem sic áluit ad certámen, ut fórtior efféctus victóriam cónsequi mererétur. Per Dóminum.

Pro S. Stephano Secreta
Réspice, quas offérimus, hóstias, omnípotens Deus: et præsta; ut, qui passiónis Domínicæ mystéria celebrámus, imitémur quod ágimus. Per eúndem Dóminum.

Antiphona ad Communionem
Ioann. 12, 26

Qui mihi ministrat, me sequatur: et ubi sum ego, illic et míster meus erit.

Postcommunio

Salutáris hóstiæ participatióne roborátos, fac nos, Dómine Iesu, beáti Mártyris Apollináris invíctam imitari in fide et caritáte constantiam: Qui vivis.

Pro S. Stephano Postcommunio
Præsta, quæsumus, omnípotens Deus: ut beáti Stéphaní Confessoris tui fidem cóngrua devotióne sectémur; qui pro eiúsdem fidei dilatatióne, de terréno regno ad cælestis regni glóriam méruit pervenire. Per Dóminum.

Die 22 septembris

Ss. MAURITII ET SOCIORUM

Martyrum

III classis

Missa Intret, ut in Missali in horum festo eodem die.

Et fit commemoratio S. Thomæ de Villanova Episcopi et Confessoris.

Die 25 septembris

S. NICOLAI DE FLÛE

Eremitæ et Confessoris, Patroni Primarii Helvetiæ

I classis

Antiphona ad Introitum

Ps. 54, 8, 10

Ecce elongávi fúgiens, et mansi in solitúdine: quóniam vidi iniquitátem et contradiccionem in civitaté. (T. P. Allelúia, allelúia.) Ps. ibid. 2-3 Exáudi, Deus, orationem meam, et ne despéxeris deprecationem meam: inténde mihi, et exáudi me. V. Glória Patri.

Oratio

Beáti Nicolái, Confessoris tui, intercessióne suffúlti, te, Dómine, suppliciter exorámus: ut gentem nostram benigna semper protectióne custódiás, eiúsque rec-tóribus grátiae tuæ lumen cleménter infúndas. Per Dóminum.

Léctio Epístolæ beáti Pauli

Apóstoli ad Romános.

Rom. 14, 17-19

Fratres: Non est regnum Dei esca et potus, sed iustitia et pax et gáudium in Spírítu Sancto. Qui enim in hoc servit Christo, placet Deo et probátus est homínibus. Itaque, quæ pacis sunt, sectémur: et quæ ædificatiónis sunt, in ínvi-cem custodiámus.

Graduale

Ps. 121, 7-8

Fiat pax in virtúte tua, et abundántia in túrribus tuis. V. Propter fratres meos et próximos meos, loquébar pacem de te.

Allelúia, allelúia. V. Ps. 54, 23 Iacta cogitátum tuum in Dómino, et ipse te enútriet. Allelúia.

In Missis votivis post Septuagesimam, omissis Allelúia et versu sequenti, dicitur:

Tractus

Ps. 33, 9-11

Gustáte et vidéte, quóniam suávis est Dóminus. V. Beátus vir, qui sperat in eo; quóniam nihil deest timéntibus eum. V. Dívites eguérunt et esuriérunt: inquirentes autem Dóminum non defícient omni bono.

Tempore autem paschali omittitur graduale, et eius loco dicitur:

Allelúia, allelúia. V. Ps. 54, 23 Iacta cogitátum tuum in Dómino, et ipse te enútriet. Allelúia. V. Ioan. 6, 52 Si quis manducáverit ex hoc pane, vivet in ætérnum. Allelúia.

† Sequéntia sancti Evangélii secúndum Matthæum.

Matth. 19, 27-29

In illo témpore: Dixit Petrus ad Iesum: Ecce nos reliquimus ómnia et secúti sumus te: quid ergo erit nobis? Iesus autem dixit illis: Amen dico vobis, quod vos, qui secúti estis me, in regeneratióne, cum séderit Fílius hóminis in sede maiestátis suæ, sedébitis et vos super sedes duódecim, iudicántes duódecim tribus Israél. Et omnis,

hat so gut geklappt, auch rechtlich!

Gnadenstunde 8.12.2013/14 15.30h – 16.30h

(Orgel) VSM

Ao: 247 (wahrer Leib)

Wba: 35

Ao: 295 (es blüht den Engeln)

Ao: 73

(Immaculata – Rosenkranz)

Ao: 201 (Die Schönste von allen)

Stille bis ca. 16.25h

16.23 beginnen: Ao: 91

Blatt: 1.Str. (Immaculata, du Lilienblüte)

Ao: 95 (Weihe)

Blatt: 2.Str.

**Anschliessend gesungene Vesper
und Segensandacht (16.30h)**

(SR 327 → nicht aufstecken!)

Wba: 106

Litaneienheft: 44 (Tota pulchra es)

T.e.

Ao: 216

(etwaige Liedänderung vorbehalten)

qui relíquerit domum, vel fratres,
aut soróres, aut patrem, aut matrem,
aut uxórem, aut filios, aut agros,
propter nomen meum, céntuplum
accípiet, et vitam ætérnam possi-
débit. Credo.

Antiphona ad Offertorium

Ps. 30, 4

Dómine, fortitúdo mea et refúgium
meum es tu, et propter nomen
tuum dedúces me et enútries me.
(T. P. Allelúia.)

Secreta

Múnera tibi, Dómine, dicáta
sanctífica: et, intercedénte
beáto Nicoláo Confessóre tuo, per
éadem nos benígnus inténde; ut
tibi famulánte in terris, glória
tua perfruámur in cælis. Per Dó-
minum.

Antiphona ad Communionem

Gal. 2, 19

Christo confíxus sum cruci. Vivo
autem, iam non ego: vivit vero in
me Christus. (T. P. Allelúia.)

Postcommunio

Mysteriórum tuórum nos, quæ-
sumus, Dómine, commúnio
sancta restáuret: ut beáti Nicolái
sequénte exémpla, in tuo semper
amóre crescámus. Per Dóminum.

Die 26 septembris

IN DEDICATIONE
ECCLESIAE CATHEDRALIS
SOLODORI

I classis

Missa Dedicacionis. Nihil de Ss. Cy-
priano et Iustina Mm.

Die 30 septembris

SS. URSI, VICTORIS ET SOCIORUM

Martyrum, Patronorum ecclesiae cathedralis
et diocesis Basileensis Patronorum principalium

I classis

Antiphona ad Introitum

Gaudeamus omnes in Dómino, diem festum celebrantes sub honore sanctorum Mártirum: de quorum solemnitate gaudent Angeli et collaudant Fílium Dei. Ps. 32, 1 Exultáte, iusti, in Dómino: rectos decet collaudátio. *Ÿ*. Glória Patri.

Oratio

Deus, qui hodiernam diem beatorum Mártirum tuorum Ursi et Victóris eorumque Sociórum gloriósa passióne consecrásti: præsta, quæsumus; ut eórum suffrágia apud te sentiámus in cælis, quorum pio amore solémnia venerámur in terris. Per Dóminum.

Lectio Epístolæ beáti Pauli Apóstoli ad Hebræos. Hebr. 11, 33-39

Fratres: Sancti per fidem vicérunt regna, operáti sunt iustítiam, adépti sunt repromissiones, obturáverunt ora leónum, exstinxérunt ímpetum ignis, effugérunt áciem gládii, convaluérunt de infirmitate, fortes facti sunt in bello, castra vertérunt exterórum: acceperunt mulieres de resurrectione mórtuos suos: álii autem disténti sunt, non suscipientes redemptionem, ut meliorem invenírent resurrectionem: álii vero ludíbria et vérbera expérti, ínsuper et víncula et cárceres: lapi-

dáti sunt, secti sunt, tentáti sunt, in occisióne gládii mórtui sunt: circuiérunt in melótis, in péllibus caprínis, egéntes, angustiáti, afflícti: quibus dignus non erat mundus: in solitudínibus errántes, in móntibus et spelúncis et in cavérnis terræ. Et hi omnes testimónio fidei probáti, invénti sunt in Christo Iesu, Dómino nostro.

Graduale

Exod. 15, 11

Gloriósus Deus in Sanctis suis: mirábilis in maiestate, fáciens prodígia. *Ÿ*. Ibid. 6 Dextera tua, Dómine, glorificáta est in virtúte: dextera manus tua confrégit inimicos.

Allelúia, allelúia. *Ÿ*. Te Mártirum candidátus laudat exercitus, Dómine. Allelúia.

† Sequéntia sancti Evangéllii secundum Lucam. Luc. 21, 9-19

In illo témpore: Dixit Iesus discipulis suis: Cum audiéritis prœlia et seditiões, nolíte terréri: opórtet primum hæc fieri, sed nondum statim finis. Tunc dicébat illis: Surget gens contra gentem, et regnum advérsus regnum. Et terrémótus magni erunt per loca, et pestilentíæ, et fames, terrorésque de cælo, et signa magna erunt. Sed ante hæc ómnia inícient vobis manus suas, et persecuéntur tra-

déntes in synagógas et custódias, trahéntes ad reges et præsides propter nomen meum: contínget autem vobis in testimónium. Pónite ergo in córdibus vestris non præmeditári, quemádmódum respondeátis. Ego enim dabo vobis os et sapiéntiam, cui non póterunt resistere et contradícere omnes adversárii vestri. Tradémini autem a paréntibus, et frátribus, et cognátis, et amícis, et morte afficient ex vobis: et éritis ódio ómnibus propter nomen meum: et capillus de cápite vestro non períbit. In patiéntia vestra possidébitis ánimas vestras. Credo.

Antiphona ad Offertorium

Ps. 31, 11

Lætámini in Dómino et exsultáte, iusti: et gloriámini, omnes recti corde, allelúia.

Secreta

Hæc múnera, Dómine, quæ in honóre sanctórum Mártyrum tuórum Ursi et Victóris eorúmque Sociórum offérimus, nos ab omni labe purgátos, tibi reddant accéptos. Per Dóminum.

Antiphona ad Communionem

Sap. 3, 1, 2 et 3

Iustórum animæ in manu Dei sunt, et non tanget illos torméntum malítiæ: visi sunt óculis insipiéntium mori: illi autem sunt in pace.

Postcommunio

Sacramentórum tuórum, Dómine, múnere vegetáti, tuam súpplices deprecámur cleméntiam: ut qui sanctórum Mártyrum tuórum Ursi et Victóris eorúmque Sociórum festa solémniter celebrámus; eórum

méritis et précibus pervenire ad gáudia æténa mereámur. Per Dóminum.

Die 1 octobris

S. HIERONYMI

Presbyteri, Confessoris
et Ecclesiæ Doctoris

III classis

(ut in Missali die 30 septembris)
Commemoratio S. Remigii Episcopi et
Confessoris (hoc die).

Die 2 octobris

S. LEODEGARII

Episcopi et Martyris

Commemoratio

Oratio

P

Preces pópuli tui, quæsumus, Dómine, cleméner exáudi: ut beáti Leodegárii Mártyris tui atque Pontíficis méritis adiuvémur, cuius passióne lætámur. Per Dóminum.

Secreta

C

Múnera tibi, Dómine, dicáta sanctífica: et, intercedénte beáto Leodegário Mártyre tuo atque Pontífice, per éadem nos } placátus inténde. Per Dóminum.

Postcommunio

C

Hæc nos commúnio, Dómine, purget a crímine: et, intercedénte beáto Leodegário Mártyre tuo atque Pontífice, cæléstis remédii fáciat esse consórtes. Per Dóminum.

¶ In Missis votivis Missa Sacerdótes Dei, de Comuni unius Mart. 2 loco, cum Evangelio Ego sum vitis vera, de Comuni unius Mart. T. P. 1 loco, præter orationem præcedentem.

Die 16 octobris

S. GALLI

Abbatis

III classis

Missa Os iusti, de Communi Abbatum.
Et fit commemoratio S. Hedwigis
Viduæ.

Die 3 novembris

S. IDÆ

Virginis

III classis

Missa Vultum tuum, de Communi Vir-
ginum + loco præter orationem se-
quentem.

Oratio

P

Deus, qui beátam Idam sanctá-
rum tuárum Virgínum collégio
aggregáre dignátus es: tríbe
nobis, quásumus; ut eius pré-
cibus et méritis a culpis ómnibus
expiémur, et tuæ Maiestátis con-
sórto perfruámur ætérno. Per Dó-
minum.

Secreta

C

Accépta tibi sit, Dómine, sacrátæ
plebis oblátio, pro tuórum
honóre Sanctórum: quorum se
méritis de tribulatióne percepisse
cognóscit auxiliúm. Per Dómi-
num.

Postcommunio

C

Satiásti, Dómine, famíliam tuam
munéribus sacris: eius, quásumus,
semper interventióne nos
réfove, cuius solémnia celebrámus.
Per Dóminum.

Die 4 novembris

S. CAROLI

Episcopi et Confessoris

III classis

Antiphona ad Introitum

Eccli. 45, 29 et 30

In bonitáte et alacritáte ánimæ
suæ plácuít Deo: ídeo státuít
illi testaméntum pacis, prínci-
pem sanctórum et gentis suæ:
ut sit illi sacerdotíi dignitas in ætér-
num. Ps. 72, 1 Quam bonus Israël
Deus: his, qui recto sunt corde.
V. Glória Patri.

Oratio

Ecclésiám tuam, Dómine, sancti
Cárolí, Confessóris tui atque
Pontíficis, contínua protectióne cus-
tódi: ut sicut illum pastorális solli-
cítudo gloriósum réddidit; ita nos
eius intercessió in tuo semper fáciat
amóre fervéntes. Per Dóminum.

Et fit commemoratio Ss. Vitalis et
Agricolæ Martyrum.

Oratio

Præsta, quásumus, omnípotens
Deus: ut, qui sanctórum Márti-
rum tuórum Vitális et Agricolæ
solémnia cólimus, eórum apud te
intercessiúnibus adiuvémur. Per
Dóminum.

Léctio libri Sapiéntiæ.

Eccli. 50, 1 et 4-11

Ecce sacerdos magnus, qui in
Evita sua suffúlsit domum, et in
diébus suis corroborávit templum.
Qui curávit gentem suam et libe-
rávit eam a perditióne. Qui præ-
váluit amplificáre civitátem, qui

adéptus est glóriam in conversatióne gentis et ingressum domus et átrii amplificávit. Quasi stella matutína in médio nébulæ et quasi luna plena in diébus suis lucet; et quasi sol refúlgens, sic ille effúlsit in templo Dei. Quasi arcus refúlgens inter nébulas glóriæ et quasi flos rosárum in diébus vernis et quasi lília, quæ sunt in tránsitu aquæ et quasi thus redólens in diébus æstátis, quasi ignis effúlgens, et thus ardens in igne. Quasi vas auri sólídum ornátum omni lápide pretiósó. Quasi olíva púllulans et cyprésus in altitúdinem se extóllens, in accipiéndó ipsum stolam glóriæ et vestíri eum in consummatióne virtútis.

Graduale Sap. 4, 13 et 14
Consummátus in brevi, explévit témpora multa: plácita enim erat Deo ánima illíus. *Ÿ*. Propter hoc properávit edúcere illum de médio iniquitátis.

Allelúia, allelúia. *Ÿ*. Eccli. 45, 9
Induit eum stolam glóriæ et coronávit eum in vasis virtútis.
Allelúia.

† Sequéntia sancti Evangélii secúndum Ioánnem. Ioann. 10, 11-16

In illo témpore: Dixit Iesus pharisæis: Ego sum pastor bonus. Bonus pastor ánimam suam dat pro óvibus suis. Mercenárius autem et qui non est pastor, cuius non sunt oves própriæ, videt lupum veniéntem et dimíttit oves et fugit: et lupus rapit et dispérgit oves: mercenárius autem fugit, quia mercenárius est et non pértinet ad eum de óvibus. Ego sum pastor bonus: et cognósco meas et cognóscunt me meæ. Sicut novit me Pater,

et ego agnósco Patrem, et ánimam meam pono pro óvibus meis. Et álias oves hábeo, quæ non sunt ex hoc ovíli: et illas opórtet me addúcere, et vocem meam áudient, et fiet unum ovíle et unus pastor.

Antiphona ad Offertorium

Sap. 8, 2

Amávit sapiéntiam a iuventúte sua: et quæsívít sibi sponsam eam assúmere: et amátor factus est formæ illíus, allelúia.

Secreta

Sancti Cároli Confessóris tui atque Pontíficis pastorális officii vigilántiam et præcláras virtútes admirántibus; præsta, quæsumus; ut ipsíus inhæréntes vestígiis tibi digne múnera deferámus. Per Dóminum.

Pro Ss. Vitale et Agricola

Secreta

Oblátis, quæsumus, Dómine, placáre munéribus: et, intercedéntibus sanctis Martýribus tuis Vitále et Agrícola, a cunctis nos defénde perículis. Per Dóminum.

Antiphona ad Communionem

Eccli. 39, 13

Non recédet memória eius: et nomen eius requirétur a generatióne in generatióne.

Postcommunio

Sanctíficent nos, quæsumus, Dómine, sumpta mystéria, et sancto Cárolo Confessóre tuo atque Pontífice intercedénte, nostrórum puríficent máculas delictórum. Per Dóminum.

Pro Ss. Vitale et Agricola

Postcommunio

Hæc nos commúnio, Dómine, purget a crímine: et, intercedéntibus sanctis Martýribus tuis Vitále et Agricola, cæléstis remédii fáciat esse consórtes. Per Dóminum.

Die 13 novembris

S. HIMERII

Confessoris

III classis

Missa Os iusti, de Comuni Confessoris non Pontificis 1 loco, præter orationem et Evangelium.

Oratio

P

Deus, qui ómnia pro te relinquéntibus céntuplum in hoc sæculo, et in futúro ætérrnam vitam promisísti: concéde, quæsumus; ut sancti Himérii Confessoris tui vestígiis inhæréntes, peritúra despiciámus et ad sola mansúra suspíremus. Per Dóminum.

Et fit commemoratio S. Didaci Confessoris.

Oratio

Omnípotens sempitérne Deus, qui dispositióne mirábili infirma mundi éligis, ut fórtia quæque confúndas: concéde propítius humilitáti nostræ; ut, piis beáti Dídaci Confessoris tui précibus, ad perénnem in cælis glóriam sublimári mereámur. Per Dóminum.

† Sequéntia sancti Evangélii secúndum Matthæum.

Matth. 19, 27-29

In illo témpore: Dixit Petrus ad Iesum: Ecce, nos reliquimus ómnia et secúti sumus te: quid ergo erit nobis? Iesus autem dixit illis: Amen, dico vobis, quod vos, qui secúti estis me, in regeneratióne, cum séderit Fílius hóminis in sede maiestátis suæ, sedébitis et vos super sedes duódecim, iudicántes duódecim tribus Israél. Et omnis, qui relíquerit domum, vel fratres, aut soróres, aut patrem, aut matrem, aut uxórem, aut fílios, aut agros, propter nomen meum, céntuplum accípiet, et vitam ætérrnam possidébit.

Secreta

C

Laudis tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confídimus et futúris. Per Dóminum.

Pro S. Didaco

Secreta

Præsta nobis, quæsumus, omnípotens Deus: ut nostræ humilitátis oblátio et pro tuórum tibi grata sit honóre Sanctórum, et nos córpore páriter et mente puríficet. Per Dóminum.

Postcommunio

C

Refécti cibo potúque cælésti, Deus noster, te súpplices exorámus: ut, in cuius hæc commemoratióne percépimus, eius muniámur et précibus. Per Dóminum.

Pro S. Didaco

Postcommunio

Quæsumus, omnípotens Deus: ut, qui cæléstia aliménta percé-



Léctio libri Sapiéntiæ.

Eccli. 21, 26-31

Stultus a fenestra respiciet in domum: vir autem eruditus foris stabit. Stultitia hóminis auscultare per óstium: et prudens gravabitur contumelia. Lábia imprudentium stulta narrábunt: verba autem prudentium statéra ponderabúntur. In ore fatuórum cor illórum: et in corde sapiéntium os illórum. Dum maledícit ímpius diábolum, maledícit ipse ánimam suam. Susúrro coinquinábit ánimam suam, et in ómnibus odiétur: et, qui cum eo mánserit, odiósus erit: táctus et sensátus honorábitur.

Tempore paschali:

Allelúia, allelúia. *Ÿ*. Eccli. 25, 11 Beátus, qui lingua sua non est lapsus, et qui non servívit indignis se. Allelúia. *Ÿ*. Prov. 10, 31 Lingua pravórum períbit: lingua autem sapiéntium est sánitas. Allelúia.

Extra tempus paschale:

Graduale Prov. 11, 13
Qui ámbulat fraudulénter, revélat arcána: qui autem fidélis est ánimi, celat. *Ÿ*. Ps. 14, 1 et 3 Dómine, quis habitábit in tabernáculo tuo, aut quis requiescet in monte sancto tuo? Qui non egit dolum in lingua sua: nec fecit próximo suo malum. Allelúia, allelúia. *Ÿ*. Eccli. 25, 11 Beátus, qui lingua sua non est lapsus, et qui non servívit indignis se. Allelúia.

In Missis votivis post Septuagesimam, omissis Allelúia et versu sequenti, dicitur:

Tractus Iac. 1, 26; 3, 2 et 7-8
Si quis putat se religiósus esse, non refrénans linguam suam,

sed sedúcens cor suum, huius vana est religio. *Ÿ*. Si quis in verbo non offéndit, hic perfectus est vir. *Ÿ*. Omnis enim natúra bestiárum domántur, et dómita sunt a natúra humana: linguam autem nullus hóminum domáre potest.

† Sequéntia sancti Evangélii
secúndum Mattháeum.

Matth. 11, 2-10

In illo témpore: Cum audísset Ioáannes in vínculis ópera Christi, mittens duos de discipulis suis, ait illi: Tu es, qui ventúrus es, an álium exspectámus? Et respóndens Iesus, ait illis: Eúntes renuntiáte Ioánni, quæ audístis et vidístis. Cæci vident, claudi ámbulant, leprósi mundántur, surdi áudiunt, mórtui resúrgunt, páuperes evangelizántur: et beátus est, qui non fúerit scandalizátus in me. Illis autem abeúntibus, cœpit Iesus dicere ad turbas de Ioáanne: Quid exístis in desértum vidére? arúndinem vento agitátam? Sed quid exístis vidére? hóminem móllibus vestítum? Ecce, qui móllibus vestiúntur, in dómibus regum sunt. Sed quid exístis vidére? Prophétam? Etiam dico vobis et plus quam prophétam. Hic est enim, de quo scriptum est: Ecce, ego mitto Angelum meum ante fáciem tuam, qui præparábit viam tuam ante te.

Antiphona ad Offertorium

Eccli. 42, 1

Non dúplices sermónem de revelatióne abscónditi, et eris vere sine sermónis confusióne: et invénies grátiam in conspéctu ómnium hóminum. (T. P. Allelúia.)

Pro S. Maria Magdalena

Postcommunio

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrá-mus. Per Dóminum.

Die 27 iunii

S. BURCHARDI

Confessoris

III classis

Missa Os iusti, de Communi Confes-soris non Pontificis 1 loco.

Die 11 iulii

Ss. PLACIDI Martyris

ET SIGISBERTI Confessoris

Commemoratio

Missa Sapiéntiam, de Communi plu-rimorum Martyrum 2 loco, præter orationes sequentes.

Oratio

P

Fac nos, quæsumus, Dómine, sanctórum tuórum Plácidi et Sigisbérti semper festa sectári: quorum suffrágiis protectiónis tuæ dona sentiámus. Per Dóminum.

Et fit commemoratio S. Pii I Papæ et Martyris.

Oratio

Gregem tuum, Pastor ætérne, placátus inténde: et per beátum Pium Mártirem tuum atque Summum Pontíficem perpétua pietáte custódi, quem totíus Ecclésiæ præstitísti esse pastórem. Per Dóminum.

Secreta

C

Múnera tibi, Dómine, nostræ devotiónis offérimus: quæ et pro tuórum tibi grata sint honóre iustórum, et nobis salutária, te miseránte, reddántur. Per Dóminum.

Pro S. Pio

Secreta

Oblátis munéribus, quæsumus, Dómine, Ecclésiám tuam beníg-nus illúmina: ut, et gregis tui proficiat ubíque succéssus, et grati fiant nómini tuo, te guber-nánte, pastóres. Per Dóminum.

Postcommunio

P

Præsta nobis, quæsumus, Dómine: intercedéntibus sanctis tuis Plácido et Sigisbérti; ut, quod ore contíngimus, pura mente capiámus. Per Dóminum.

Pro S. Pio

Postcommunio

Refectióne sancta enutrítam gu-bérna, quæsumus, Dómine, tuam placátus Ecclésiám: ut, poténti moderatióne dirécta, et incre-ménta libertátis accípiat et in religiónis integritáte persístat. Per Dóminum.

Die 15 iulii

S. HENRICI

Imperatoris, Confessoris, Patroni secundarii diócesis Basileensis

II classis

Antiphona ad Introitum

Ps. 36, 30-31

Os iusti meditábitur sapién-tiam, et lingua eius loqué-tur iudícium: lex Dei eius in corde ipsíus. Ps. ibid. 1
Noli æmulári in malignántibus: neque zeláveris faciéntes iniquitá-tem. V. Glória Patri.